



Selasa, 15 Juni 2021
Ogen: Esekiel 3:22-27



Esekiel Jadi Pekak



Renungenta wari enda eme pengenehen Esekiel pe teluken ngidah kemuliaan Tuhan. Adi sioge maka kenca Eskiell ngidah kemuliaan Tuhan langsung ibereken sada dahin si mbelin. Perintah Tuhan i bas renungenta wari enda Esekiel isuruh guna mulih ku rumah, ngeruki bana i rumah, lanai banci ngerana (ibahan Tuhan ia jadi peka) lanai ngasup ngerana mpersingeti bangsa Israel. Perintah enda petembil ras kai si enggo ipesanken Tuhan man Esekiel sope ayat enda (3:16-21). Kuasa Dibata erbahanca ia la banci ngerana, janah Kuasa Dibata ka erbahanca ia ngerana. Tugas Esekiel eme ngataken man bangsa Israel kai sikataken Tuhan man bana. La itambahi, la ikurangi.

Si enda ngatakenca la terukuri cara perukuren Dibata, secara manusia latih dingin mberat kal nge iakap Esekiel sabap ibahan ia jadi pekak lanai banci ngerana entah ngeranai man bangsa Israel. Lit enem tahun situasi enda arus idalani Esekiel (bandingkan pasal 1:1-2 ras 33:22). Kenca Tuhan mulihi ngerana, maka ibrekenna mulihi kuasa, ngerana ia i bas gelar Tuhan. Ngatakenca maka Esekiel la banci ngerana ras manusia tapi tetap ngerana ras Tuhan. I bas paksana Esekiel ngerana man bangsa Israel terjeng kai si ibegina i bas Dibata nari. banci kataken Esekiel bagi robot, ngelakoken ras nuriken kai si isuruh Tuhan. Amin bage pe kerina si ibahan Tuhan e pasti ngerehken kiniulin.

Si enda mabai kita ngerenungken maka sope dengan kita ersaksi nuriken Kata Dibata man kalak sideban, la banci lang kita lebe alu dem ketenengen mereken kesempatan Dibata ngerana man banta. Pekak e mabai kita ngasup *menahan diri, menahan mulut kita dan membiarkan Tuhan lebih banyak berbicara menyampaikan pesanNya kepada kita.*